OBSERVATIONES DE THEOREMATE QVODAM FERMATIANO, ALIISQVE AD NVMEROS PRIMOS SPECTANTIBVS.

AVCTORE
Leonh. Eulero.

NOtum eſt hanc quantitatem $a^n + 1$ ſemper habere diuiſores, quoties n ſit numerus impar, vel per imparem praeter vnitatem diuiſibilis. Namque $a^{2m+1} + 1$ diuidi poteſt per $a + 1$ et $a^{p(2m+1)} + 1$ per $a^p + 1$, quicunque etiam numerus loco a ſubſtituatur. Contra vero ſi n fuerit eiusmodi numerus, qui per nullum numerum imparem niſi vnitatem diuidi poſſit, id quod euenit, quando n eſt dignitas binarii, nullus numeri $a^n + 1$ poteſt aſſignari diuiſor. Quamobrem ſi qui ſunt numeri primi huius formae $a^n + 1$, ii omnes comprehendantur neceſſe eſt in hac forma $a^{2^m} + 1$. Neque tamen ex hoc poteſt concludi $a^{2^m} + 1$ ſemper exhibere numerum primum quicquid ſit a; primo enim perſpicuum eſt, ſi a ſit numerus impar, iſtam formam diuiſorem habiturum 2. Deinde quoque, etiamſi a denotet numerum parem, innumeri tamen dantur caſus, quibus numerus compoſitus prodit. Ita haec ſaltem formula $a^2 + 1$ poteſt diuidi per 5, quoties eſt $a = 5b \pm 3$, et $30^2 + 1$ poteſt diuidi per 17, et $50^2 + 1$ per 41. Simili modo $10^4 + 1$ habet diuiſorem 73; $6^8 + 1$ habet diuiſorem 17, et $6^{128} + 1$ eſt diuiſibilis per 257. At huius formae $2^{2^m} + 1$ quan-

quantum ex tabulis numerorum primorum, quae quidem non vltra 100000 extenduntur, nullus detegitur casus, quo diuisor aliquis locum habeat. Hac forte aliisque rationibus *Fermatius* adductus enunciare non dubitauit $2^{2^m}+1$ semper esse numerum primum, hocque vt eximium theorema *Wallisio* aliisque Mathematicis Anglis demonstrandum proposuit. Ipse quidem fatetur se eius demonstrationem non habere, nihilo tamen minus asserit esse verissimum. Vtilitatem eius autem hanc potissimum praedicat, quod eius ope facile sit numerum primum quouis dato maiorem exhibere, id quod sine huiusmodi vniuersali theoremate foret difficillimum. Leguntur haec in *Wallisii* Commercio Epistolico Tomo Eius Operum secundo inserto, epistola penultima. Extant etiam in ipsius *Fermatii* operibus p. 115. sequentia. "Cum autem numeros a binario quadratice "in se ductos et vnitate auctos esse semper numeros "primos apud me constet, et iam dudum Analystis il-"lius theorematis veritas fuerit significata nempe esse "primos 3, 5, 17, 257, 65537, etc. in infinit. nullo "negotio etc.

Veritas istius theorematis elucet, vt iam dixi, si pro m ponatur 1, 2, 3 et 4, prodeunt enim hi numeri 5, 17, 257, et 65537, qui omnes inter numeros primos in tabula reperiuntur. Sed nescio, quo fato eueniat, vt statim sequens nempe $2^{2^5}+1$ cesset esse numerus primus, obseruaui enim his diebus longe alia agens posse hunc numerum diuidi per 641. vt cuique tentanti statim patebit.

Est

Est enim $2^{2^5}+1=2^{32}+1=4294967297$. Ex quo intelligi potest, theorema hoc etiam in aliis, qui sequuntur, casibus fallere, et hanc ob rem problema de inueniendo numero primo quouis dato maiore etiam nunc non esse solutum.

Considerabo nunc etiam formulam 2^n-1, quae quoties n non est numerus primus, habet diuisores: neque tantum 2^n-1 sed atiam a^n-1. Sed si n sit numerus primus, videri posset etiam 2^n-1 semper talem exhibere: hoc tamen asseuerare nemo est ausus quantum scio, cum tam facile potuisset refelli. Namque $2^{11}-1$ i.e. 2047 diuisores habet 23 et 89 et $2^{23}-1$ diuidi potest per 47. Video autem Cel. *Wolfium* non solum hoc in Elem. Matheseos editione altera non aduertisse, vbi numeros perfectos inuestigat, atque 2047 inter primos numerat; sed etiam 511 seu 2^9-1 pro tali habet, cum tamen sit diuisibilis per 2^3-1 i. e. 7. Dat autem $2^{n-1}(2^n-1)$ numerum perfectum, quoties 2^n-1 est primus, debet ergo etiam n esse numerus primus. Operae igitur pretium fore existimaui eos notare casus, quibus 2^n-1 non est numerus primus, quamuis n sit talis. Inueni autem hoc semper fieri, si sit $n=4m-1$, atque $8m-1$ fuerit numerus primus, tum enim 2^n-1 semper poterit diuidi per $8m-1$. Hinc excludendi sunt casus sequentes, 11, 23, 83, 131, 179, 191, 239, etc. qui numeri pro n substituti reddunt 2^n-1 numerum compositum. Neque tamen reliqui numeri primi omnes loco n positi satisfaciunt, sed plures insuper excipiuntur, sic obseruaui $2^{37}-1$ diuidi posse per 223, $2^{43}-1$ per

431, $2^{29}-1$ per 1103, $2^{73}-1$ per 439, omnes tamen excludere non est in potestate. Attamen asserere audeo praeter hos casus notatos, omnes numeros primos minores quam 50, et forte quam 100, efficere $2^{n-1}(2^n-1)$ esse numerum perfectum, sequentibus numeris pro n positis, 1, 2, 3, 5, 7, 13, 17, 19, 31, 41, 47, vnde 11. prouenium numeri perfecti. Deduxi has obseruationes ex Theoremate quodam non ineleganti, cuius quidem demonstrationem quoque non habeo, verum tamen de eius veritate sum certissimus. Theorema hoc est, a^n-b^n, semper potest diuidi per $n+1$, si $n+1$ fuerit numerus primus atque a et b non possint per eum diuidi; eo autem difficiliorem puto eius demonstrationem esse, quia non est verum nisi $n+1$ sit numerus primus. Ex hoc statim sequitur 2^n-1 semper diuidi posse per $n+1$, si fuerit $n+1$ numerus primus, seu cum omnis primus sit impar praeter 2, hicque ob conditiones theorematis, quia est $a=2$, non possit adhiberi, poterit $2^{2m}-1$ semper diuidi per $2m+1$ si $2m+1$ sit numerus primus. Quare etiam vel 2^m+1 vel 2^m-1 diuidi poterit per $2m+1$. Deprehendi autem 2^m+1 posse diuidi, si fuerit $m=4p+1$ vel $4p+2$, at 2^m-1 habebit diuisorem $2m+1$, si $m=4p$ vel $4p-1$. Haec persecutus in multa alia incidi theoremata non minus elegantia, quae eo magis aestimanda esse puto, quod vel demonstrari prorsus nequeant, vel ex eiusmodi propositionibus sequantur, quae demonstrari non possunt, primaria igitur hic adiungere visum est.

Theo-

Theorema I. Si fuerit n numerus primus, omnis potentia exponentis $n-1$ per n diuisa vel nihil vel 1 relinquit.

Theorema II. Manente n numero primo, omnis potentia, cuius exponens est $n^{m-1}(n-1)$, diuisa per n^m vel o vel 1 relinquit.

Theorema III. Sint m, n, p, q, etc. numeri primi inaequales, sitque A minimus communis diuiduus eorum vnitate minutorum, puta ipsorum $m-1$, $n-1$, $p-1$; $q-1$, etc. his positis dico omnem potentiam exponentis A vt a^A diuisam per $mnpq$ etc. vel o vel 1 relinquere, nisi a diuidi possit per aliquem horum numerorum, m, n, p, q etc.

Theorema IV. Denotante $2n+1$ numerum primum poterit 3^n+1 diuidi per $2n+1$, si sit vel $n \equiv 6p+2$ vel $n \equiv 6p+3$: at 3^n-1 diuidi poterit per $2n+1$ si sit vel $n \equiv$ vel $6p$ vel $n \equiv 6p-1$.

Theorema V. 3^n+2^n potest diuidi per $2n+1$ si sit $n \equiv$ vel $12p+3$, vel $12p+5$, vel $12p+6$, vel $12p+8$. Atque 3^n-2^n potest diuidi per $2n+1$, si sit $n \equiv$ vel $12p$ vel $12p+2$, vel $12p+9$, vel $12p+11$.

Theorema VI. Sub iisdem conditionibus quibus 3^n+2^n poterit etiam 6^n+1 diuidi per $2n+1$; atque 6^n-1 sub iisdem, quibus 3^n-2^n.